


G. 389 b. 18

No. 4. 389 b 18


vol 1



*Bought with the
Charlotte Harris Fund
Charlestown Branch.*



58 back



1614.

5

5

ADVERTISSEMENT
A LA FRANCE.

8

1614.



ADVERTISSEMENT

A LA FRANCE.

1614.



ADVERTISSEMENT.

 E masque en fin est leué,
 & voit-on maintenant à
 clair quelle est l'intention
 de ceux qui se couvrans
 du nom de Monsieur le Prince, com-
 me d'un manteau emprunté, ont jus-
 ques icy fait retentir le bien public,
 pour chercher seulement le leur parti-
 culier. Tout la France sçait, com-
 me au milieu d'une profonde paix,
 soubz l'heureux gouvernement de la
 Royne, quelques Grands se sont re-
 tirez de la Cour, & comme apres
 avoir alarmé les peuples par leur de-
 part, ils enuoyèrent vn certain ma-
 nifeste à sa Maiesié, dans lequel se fi-
 gurans à plaisir vn regime si confus
 de tout le Royaume, qu'à leur com-
 pre le malade gisant au liét n'a pas
 plus besoing de secours, que les

aduis & conseils des Estats generaux estoient necessaires comme vn baume exquis, à la restauration de toutes choses. C'estoit là vraiment vn pretexte plausible, & le rendoient encores plus specieux, en protestant qu'ils demandoient ceste pretendue Reformation sans armes, ainsi que ceux qui pour profiter de telles assemblées se faisoient des villes, armoient les peuples & les estrangers, faisoient guerre & paix à leur profit, pour vne Lieutenance generale, gouvernement des prouinces & des places, plus aydoyent à eluder l'assemblée, sans se soucier de la publique Reformation. Si les effects eussent respondu aux belles parolles, le reproche qu'ils font à autrui ne tomberoit pas comme il fait sur leur propre face, ny toute la frontiere de la Picardie & de la Champagne n'eust pas esté rauagée, ny ne serions à la veille d'vne plus grande desolation, si Dieu n'a pitié de nous. Car tant s'en faut qu'ils se soient souuenus de ce qu'ils ont protesté d'abord, on a veu au contraire

En la
lettre
de M. le
P. à la
Royne.

qu'escriuant d'vne main, ils trainoiër
 par maniere de dire, le canon de l'au-
 tre, pour forcer la citadelle de Me-
 zieres, dont ils se sont saisis, n'ayant
 pas tenu à eux qu'ils n'ayent souleué
 les prouinces, & tiré secours des ar-
 mes estrangeres. La Royne neant-
 moins comme vn sage Medecin qui
 n'apporte pas soudain le cautere à la
 playe, tascha de les r'appeller à leur
 deuoir, par les plus doux & gracieux
 remedes qu'elle peut trouuer, en-
 uoyant par deuers eux Monsieur le
 President de Thou, lequel essaya de
 coniurer ceste tempeste, par toute la
 prudence qu'un personnage de sa
 probité & candeur y peut contri-
 buer. En fin ils luy donnent parole
 de s'approcher & de venir à Solissôs,
 où sa Maiesté a eu agreable de traiter
 amiablement avec eux, comme la
 mere faiçt avec ses enfans, y enuoyât
 à cest effect Monsieur le Duc de Vâ-
 radour, & Monsieur le President
 Jeannin, personnes posées & pacifi-
 ques : Mais ces Messieurs oublians

toufiours la premiere protestation de faire leurs demandes en pourpoint & sans armes, vindrent accompagnez d'infanterie & de caualerie, si bien qu'opprimant la liberté de ceste pauvre ville, ils l'ont miserablement afferuie soubz leur ioug. Toutesfois l'innocence qui parle mesme dans la fournaise ardante, fist que les deputez de sa Maiesté ne se retirerent point, quoy qu'ils les visent les plus forts dans ceste place, ains leur remonstrans genereusemēt leur deuoir, ouyrent ce qu'ils desiroient pour estre contentez en general & en particulier. Les articles qu'ils baillerent pour enuoyer à la Royne contenoient trois Chefs, qu'elle leur auoit accordez, à sçauoir *la Conuocation des Estats generaux,*

la surseance du Mariage du Roy & de Mes-

dames, iusqu'à la maiorité de sa Maiesté, (&

non iusqu'à la tenuë desdicts Estats,

comme on a faussement glissé dans les mesmes articles, à dessein de renuoyer l'accomplissement de ce Ma-

Du 14.
Auril.

riage aux Calendes Grecques, (& le
 desarmement de part & d'autre, dont ils
 remerciaient tres-humblement sa
 Maieité, Monsieur le Prince (portent
 les articles) ayant prié Messieurs les Ducs
 de Mayenne & de Bouillon, de demeurer à
 Soissons, leur donnant pouuoir d'acheuer le
 traicté avec les deputez, pour conuenir de
 la seureté & liberté desdicts Estats, & de
 l'assurance qu'ils desirent auoir de la sur-
 seance desdicts mariages, ensemble des
 poincts qui regardent le desarmement, &
 de l'Estat auquel les personnes du Roy &
 nos personnes demeureront entre cy & la
 tenue desdicts Estats. Charité tres-gran-
 de, & en laquelle Monsieur le Prince
 faict vrayemēt vne œuvre de supere-
 rogation, comme si naturellement la
 mere n'auoit pas assez de soing de la
 garde de son propre enfant. Car le
 Roy estant en si bonne main com-
 me il est, les Anges du Ciel qui veil-
 lent à l'entour de luy, conserueront
 sa personne sacrée si precieusement,
 qu'il viura vn siecle au bon-heur de
 la France. Et quant à la seureté de la

personne de Mōsieur le Prince quel
 crime a-il commis , quels ennemis
 peut il auoir pour la desirer autre
 dans le Royaume, que celle que son
 extraction luy donne ? Qui luy cau-
 se ceste terreur, qui luy suggere ceste
 meffiance ? Et quand bien il auroit
 offensé leurs Maiestez iusques là, que
 de redouter la iurisdiction que tout
 Souuerain a sur son subiect , la foy
 publique ne seroit-elle pas suffisante
 pour luy leuer la crainte qu'il en
 pourroit auoir ? Vne forteresse pour
 inexpugnable qu'elle peust estre, le
 mettroit elle plus à couuert contre
 l'indignation d'un grand Roy s'il l'a-
 uoit iustement encouruë ? Non, non,
 auoir l'hōneur d'estre premier Prin-
 ce du sang, viure innocemment à la
 Cour, estre entre les bras des Fran-
 çois , qui adorent & reuerent ceste
 illustre qualite , n'auoir en fin autres
 armes que celles du Roy, est vne as-
 seurance si grande de la vie. des biens
 & de la fortune, qu'il n'y a riē à crain-
 dre pour celuy qui est fortifié de tels
 rampars

rampars : Mais i'apprehende que l'organe qui iette ces soupçons dans l'aine de ce Prince, n'ayt vn dessein tout contraire à les bonnes intentions, estant à la France ce qu'il y est, & si proche parent du Roy, n'y ayant rien tant à plaindre en luy que ceste trop grande facilité de prester l'oreille à celuy qu'on faiët l'autheur de tous ces vacarmes. Car de cela seul qu'il semesse de ses affaires, tous les François vrayement amateurs de la Religion Catholique & de l'Estat, ne peuuent auoir les conseils d'vn tel homme, que fort suspects, soit pour l'alliâce d'Espagne, laquelle il ne desire rien tant que de rompre, soit pour la conuocation des Estats, où il se prepare à autant de fuites que les Ministres ont tousiours apporté d'é-lusions pour ne se trouuer en aucun Concile. Sur tout, il nous est suspect en ce qu'il a insisté si ardâment qu'on accorde à Monsieur le Prince la ville & le chasteau d'Amboise, lieu de tout temps destiné à la nourriture

des enfans de nos Rois. Ioinct que ceste place a cause de son afflicte & de son voisinage, pourroit seruir de planche à ce bon Conseiller, pour d'autres entreprises en faueur de ses confreres, tout autant de fois qu'à son accoustumée l'humeur le prendra de brouiller, abusant du nom & de la qualité de Monsieur le Prince. Ceste place est en fin si importante, que par le moyen d'icelle il se pourroit rendre Maistre de toute la riuiera de Loire, & y ietter quand il luy plaira vn impost de trois ou quatre cens mil escus par an, pour les menus frais de la Reformation, outre la facilité que luy donneroit ceste retraite, d'aller vn iour reformer les orgues & les Images de S. Martin de Tours, dont la Royne ne doute point que Monsieur le Prince n'eust regret, estant Catholique comme il est. C'est pourquoy la Majesté a si constamment resisté à l'aduis de ceux qui craignâs vne guerre de quelque mois, ou portez d'au-

mes confideratiōs particulieres, inclinoyent à la demande de ceste place, iugeant d'autant plus sainnement de son importāce qu'elle est interesféc plus que tout autre, au bien du fervice du Roy fon fils, & à la glorieufe conseruation de l'Estat.

Ce n'est pas que ceste bonne ne Princeffe n'ayt defiré d'achepter la paix, quand mefmes s'eust esté aux despens de fon propre sang: Mais auffi de la faire honteufe & fi peu affeurée qu'elle se voye à tous coups menacée de la guerre, i'estime qu'il n'y a nul homme de bien qui n'en gemiffe, qui n'en foufpire, & qui ne iuge qu'il feroit bié plus raisonnable que ces Messieurs rendiffent par leur traicté les deux villes qu'ils ont vlturpées au mefpris de l'authorité du Roy, que non point d'en ofer demander d'autres, eux dy-je qui deuroient feulemēt recouris à la clemence & misericorde de leurs Maieftes, & fe contenter d'vnpardon, apres auoir ainfi failly, voie au tefmoignage

de leur propre conscience, l'Estat
 étant du tout déplorable où la vio-
 lence & les attentats font pretendre
 recompense. Où es-tu Henry III. ô
 grand Roy où es-tu! Voila en fin cō-
 me les protestations du manifeste de
 nos reformateurs s'éuaporēt en l'air,
 tout ce qu'ils ont presché du bien
 public, aboutissant simplement à leur
 profit. *Et pour monstrier*, disoient ils,
que nostre particulier n'a nul pouuoir sur
nous, nous remettons au Roy en l'assemblée
des Estats libres & seurs nos pensions &
gratifications, si la necessité de ses affaires le
requiert, contre la calomnie de ceux qui
nous accusent qu'il n'y alloit que de nostre
particulier que nous preferions au public.
 Cependant on voit ce qui en est au
 vray, & comme relachans de ceste
 premiere & seuerie protestation, ils
 disent dans leurs articles, qu'ils decla-
 rent tous ne desirer autre satisfaction &
 contentement particulier, que celui qui se
 doit trouuer dans le public, auquel neant-
 moins ils n'ont pas encores songé,
 tant ils sont empressés apres leurs af-

En la
 lettre
 de M.
 le P.


faïres, Monsieur le Prince (outre
pres d'un million d'or d'ôt il s'est pre-
sialu des gratifications de sa Majesté,
depuis le decez du feu Roy, soit
pour acquerir ou pour s'acquitter)
demandant encores cent cinquante
mille escus, avec le chasteau d'Am-
boise, Monsieur de Neuers la surui-
uance du gouuernement de Cham-
pagne en faueur de Monsieur son fils,
& deux cens hommes de pied en-
retenus dans Mezieres, Monsieur le
Mareschal de Bouillon vne compa-
gnie de cinquante hommes d'armes
& les Archers de la Connestablerie,
avec vn peu d'argent si on veut, pour
de dommagement de la bonne che-
re qu'il a faïcte à la Reformation dâs
Sedan. Il n'y a en fin nul d'eux qui
par deuotion à ses affaires, ne tende
le bassin de ceste confrairie, tel qui
n'a rien voulu prēdre iusqu'à present,
demandant seulement cent mille li-
ures de pension. Est-ce là se souuenir
de ce qu'ils reprochoient à d'autres
dans leur manifeste, qu'ils reiettoient les

salutaires aduis de feu Monsieur de Mayenne, qu'il n'estoit iuste de profiter ou ranger la minorité de nostre ieune Roy, qu'il ne fallait rien demander, & servir ainsi que nous estions obligez naturellement? Est ce se souuenir de ce qu'ils escriuoient si gracieusement à la Royne: Considerex ma lettre, Madame, & vous n'y trouuez rien de nos interests particuliers, ny à nos intèrions presentes ny à l'aduenir? Vser de voye de faict, & mettre des troupes en campagne sans cōgè ne commission du Roy, est ce se souuenir de ce que Monsieur le Prince prioit à Messieurs du Parlement de Paris, qu'il n'auoit pour armes que ses tres humbles prieres à sa Maiesté? Surquoy les Princes, les Prelats, & les Officiers de la Couronne, qui assistent leurs Maiestez ont à considerer, si souffrir en ceste minorité qu'on enleue ainsi les villes du Roy, & qu'on establissee insensiblement vne authorité qui contrecarre ou bouleuerse la sienne, est vrayement procurer le bien du public, & si iouer ainsi, cōme on dit).

au Roy despouillé, seroit pas rentier
 ser le tribunal de la Iustice, & ense-
 uelir la liberté de la Noblesse, la quel-
 le depuis la naissance de ceste Mo-
 narchie, n'a flechy soubz la domina-
 tion d'autre que de son Souuerain.
 Et quand au faux bruit qu'on seme,
 que c'est Monsieur de Guise & Mon-
 sieur d'Epernon qui desirent la guer-
 re, c'est faire tort à l'innocence de
 leurs intentions, lesquelles ne sont
 que toutes portées à la manuten-
 tion de la paix. Bien est vray qu'ils
 n'espargneront iamais leur propre
 vie enuers tous & contre tous, lors
 que leurs Maiestez resoudront la
 guerre, & que leur Conseil la iugera
 necessaire, auant que de souffrir vn
 partage hôteux de l'autorité royal-
 le, n'ignorans pas hors ceste querel-
 le publique, l'honneur & le seruice
 qu'ils doiuent à vn Prince du sang,
 nul d'eux n'ayant sujet en son parti-
 culier de renoueller les animositez
 qui ont esté autre fois entre la mai-
 son de Bourbon & de Guise, la cause

en estant cessée, veu que graces à Dieu il n'y en a plus de ceste tige royale qui soient infectez de l'heretic, ny qui demolissent aujourd'huy nos Autels, lesquels ceste genereuse race de Lorraine a tousiours glorieusement protegez sous les auspices de nos Roys : Mais si vne dure seruitude doit en fin arriuer à tous les ordres du Royaume, & qu'un aucuglement volontaire nous porte à nostre propre ruine, la Royne demeure au moins deschargée du blasme que luy pourroit donner la posterité, de n'auoir pas apprehendé & comme predict ce malheur, iugeât principalement quelle est l'importance d'Amboise, entre les mains de tel qui abusant du nō de Mōsieur le Prince, est pour se voir dominer toute la riuere de Loire, ayant au dessus Dezize, Neuers, Gergeaux, & au dessous Saumur, & Rochefort, toutes lesquelles places pourroient vn iour conspirer à mesme dessein.

F I N.



S/pcl v.





